

海豐道中

海近疑無地山長儘有天
蛇岡嵐霧濕魚市水風癩
苔色陪巖草榕陰冒浦蓮
由來金翠盛遮莫酌食泉

卽事寄紫元

老雨餞秋菊孤煙醞暮嵐
雁驚十月北梅阜一枝南
往事風吹帽良宵月挂簪
時哉亦難得我已到無參

五更解醒梅竹之間徘徊體

宿鳥能傳語殘風且點心
山情憐澹坐月色笑孤斟
驚我梅花睡聞他竹葉吟
清歸無所得得句貴如金

再會薛黃庭

道藏輯要

白真人集二

八

其集二

別來眞夢耳相對各潸然
一向於湖海如今更市塵
知心能有幾顧影獨興憐
自歎吾衰矣猶期子勉旃

春日道中

洞口鳥呼鳥山頭花戴花
風篁蒼韻玉煙樹晚籠紗
懷白一樽酒邀盧七盃
茶春光索彈壓萬象曉排衙

舟中遣興二首

江水皺寒綠山花蓓淡黃
斷雲漫遠浦歸雁背斜陽
客恨何淒寞詩懷墮渺茫
人生本蕭散我欲問漁郎

其二

暮樹煙凝翠秋花雨著黃
萬松羅谷口一鶴點山陽
霜葉零